


天門縣志

夏逢時  
題簽

10210.137  
34  
11-10



乾隆乙酉初版

天門縣志

民國十一年十一月  
天門縣署重印

12971

344  
406

序



乾隆二十一年翼自東湖量移  
天門至三十年蓋九載於茲矣  
蘇子瞻曰天下者器也天子者  
有此器者也必使工人習知其  
器而器亦習知其手手器相信  
不相疑故所為而成此言其大  
矣竊謂方州之小其為上之人

序

操是器以奏其為之成可不用  
其知之習哉夫天下有甚盛之  
心極美之意奮然以為為百姓  
而行之行之而不效且非惟不  
效若南行而脂車北行而盪舟  
也則非其宜也失其便也李肇  
云有鵠之地必有犀牛有沙虱  
水弩之處必有鷓鴣此言有物

為毒必有所以解是毒者天地之道也龍門之人善遊寒食拜必於河濱此言利之所在必有害也天地之道也是故審於其利可以興審於其害可以除審其創之可使曰審其革之無使復其必取全局而籌之合百年而計之而又昔年沮洳今屬良

序

二

田趨時之利大矣哉此不可以陳本拘也故曰志不可不脩也以今

聖天子車書一統式闢黃輿亘古未有凡在郡邑各脩志乘以脩太平之盛典天門志不脩已七十年湯漣散佚不待言即索善本觀之其於六掾之掌三途之登

三德六行之書者舊先賢之傳或失差別或失謹嚴錢穀絲棼未貫未櫛於是以前年春廣搜諸籍採訪羣賢徵文考獻時聘年友會稽章君鏞邑明經熊子士俊程子文選共為商榷另勒一編而續之以後七十年之事非欲示異期於核也於邑中應

序

志之事則為考考分門八於邑中應志之人則為表表分門五於邑中碩德膚功嘉言懿行忠孝節義之大方技禰流之細則為傳傳分門十有四其不盡者附之餘編共二十五卷而志成矣夫繪者必傳人意思所在以為生動之天俛於志邑亦然天

門習尚勤儉有唐魏之風勤儉  
之人可與習禮可與為善此其  
意思之所在也可以為治也醫  
者之治病先問人之所苦然後  
用藥故曰用藥如用人明不可  
苟且也於志邑亦然天門澤國  
所苦在水患墳防堤障尤在經  
理之必先相機度勢未雨綢繆

四

序

毋使攻劫之劑誤越參耆之補  
此其患之宜先弭者也所以為  
政也此手之所以習知其器而  
器亦習知其手者也翼不勝拳  
拳焉雖然目之明者能見百步  
之外而不能見其背况翼之愚  
敢保其無遺漏也哉續而補之  
又以俟後之君子是為序

乾隆乙酉清和之月穀旦  
文林郎知天門縣事加一級又  
卓異加一級紀錄四次古歙胡  
翼筠亭氏書於枕琴書屋

序

五

序

情不本性則名實隱未嘗無名也實去久之名不根將焉附人謂宦途曰登場事吾君而敢假耶曰汎海行吾道而敢畏耶嗚呼有其假与畏之心而管絃窳面目非道路長風波起其矯語奉我無忝立身有本與予弗取

序

也職所當為之事如寒暑之御於春秋飲食之服於朝暮可則戮之此中有譽毀驅迫哉譽毀驅迫不有而真性情出矣矧忠孝尤天理之性耶天都胡君同事楚北三年矣予初入郢君借劇江夏會城來晤把手如逢故人其議論刑獄讞斷人情物

理甚愜予心而肺腑直寫真氣  
盡溢尤有針芥之投予甚悵相  
知之晚而君又屢登薦剡不日  
且超擢以去未能同事一方以  
政事相蚤勉為悵之無何上臺  
以天門水決民念舊侯乃歸君  
故封固得公事相密迹而凡予  
意中所欲興舉於其邑之事檄

序

未至而報已來意方萌而致旋  
奏乃歎其心之保民以事君者直  
如飲食饑寒之無需於人詔人  
語而一真相見為益信矣邑乘  
不備已七十年君以為邑之利  
弊歲時遞更文獻之攷政事之  
所出也矧今

聖天子黃輿式闡萬國同風郡邑志

乘正當獻之金馬石渠以備採  
輯為一統太平之盛典於是廣  
搜博采存舊增新勒為一編問  
序於余之惟事核文簡體例謹  
嚴為輯乘之要一為披閱君已先  
予得之夫李光弼代郭汾陽之  
軍而營壘旗幟車采一新以亦  
如其人為而精神意象見之矣

序

三

注時婁敬因虞將軍引見謀高  
虞欲被以華鮮敬不可曰是綽  
常也嗟乎夫是之謂真性情不  
可強飾而治效見矣

乾隆三十年歲次乙酉端陽前  
五日

中憲大夫知湖北安陸府事加  
三級紀錄十次覺羅敦福撰

邑邱令宜修志序

明嘉靖庚申



古者列國必有史今之縣邑猶古封建之國也志  
即史之流也宜去秋蒞邑稽故考聞喟然歎曰文  
獻無徵何此邦之曠典耶時方急民瘼蠲弊布宜  
蓋有志於志而未之逮彌一載茲冬退食稍閒延  
訪舊志於遺逸參州志之因革沿文竊義分部就  
編天開於子而辰宿列故志星野地闢於丑而流  
峙形故志山川人生於寅而氣習殊故志風俗三  
才既判王制聿興故次建置次城堤次署宇次學  
校次祀戎次版籍治法亦云備矣有治法必有治

天門縣志

卷首

原序

一

人故秩官繼之有治人必有治化故人物繼之人  
文既盛則吾道明而異端歸故寺觀終焉而災祥  
勝景古蹟村里封域溝塗倉院驛鎮鋪坊社塾廟  
祠壇局戶口田賦貢課方物守令丞簿制科薦辟  
論秀書升千百夫長掾曹散員封贈廕襲名宦鄉  
賢孝節隱逸各以其類相附如網舉而目張領挈  
而衣振雖不敢裔流古史庶幾以備考稽而觀風  
采俗不病於文獻之無徵也然歷時未久採訪未  
周則掛一漏萬容或不免知我罪我將在斯乎志  
成禮莆陽蘇君應科暨邑庠魏貫程宗敬何器二

三子校焉遂鈔諸梓用識篇端紀歲月時

署令李馨重修縣志序

康熙戊申

今之邑乘猶古之國史也古者太史各以其國之風土陳於天子天子得考其貞淫奢儉而移易之是以侯度謹民俗美秦變封建為郡縣此義遂廢史稱漢蕭何收關中圖籍乃知祖龍焚書與圖版籍尚存也自漢唐來郡邑間有志志亦祖經準史其記載如晉乘其垂戒如楚檮其備天子之觀風問俗守令之功罪賞罰則又如詩如春秋故曰今之邑乘猶古國史也其謂之志者有二義志識也

天門縣志

卷首

原序

二

方識是事而已分野形勝欲其悉也建置沿革欲其詳也山川土田欲其核也人民戶口欲其周也學校人物欲其傳也物產賦役欲其覈也人心風俗欲其通也抑又志者正其心之所之也悉形勝則志捍禦詳沿革則志張弛該土田則志墾闢周戶口則志生聚傳人物則志栽培覈賦役則志度支通風俗則志表正正是故有識記之精而後行心志之正管子作內政國僑鑄刑書博洽亦以致治非心志之正無徒貴識記之精景邑昔無志附見沔陽志中有志自姜公館昉也嗣是因河決而補

修者一因舛訛而校正者一茲又因勝國離亂  
大清定鼎以前邑城屢被兵燹版籍未免殘缺各  
上憲念此典風化所係檄諭查修乃命邑庠吳子  
泰重加訂正閱二載志成適余視篆因徵序於余  
余自分無二酉之學忝附三都之賦而義不可辭  
遂舉志之二義告之蓋吾儒讀書懷古無不以匡  
濟為志一登仕籍遂易初心拚鸞鳳而效鷹鷄急  
繭絲而忽保障即日取邑乘閱之無式版之懷亦  
非父母斯民之志也矧景邑困憊凋殘何堪摧折  
哉故自委署來嘗於退食暇展閱斯志即思形勝

天門縣志

卷首 原序

三

何以捍禦沿革何以張弛土田何以墾闢戶口何  
以生聚人物何以栽培賦役何以度支風俗何以  
表正未嘗敢以五日京兆有違恤我後之意不揣  
鈎刀思効盤錯無他誠見匡濟民物者司牧之志  
即閭邑之民望司牧者之志抑亦

聖天子設官分職之志也余今日亦惟以不負已志者  
期無負民志以上負

聖天子之志云爾如云方識是事而已則精於考稽詳  
於辨博具子長孟堅之筆抒太冲平子之著以邑  
乘而仿國史上佐觀風問俗之治者吳子庶幾其

不忝與志凡十卷八十條網舉目張吳子之纂修  
備矣余又奚容以覆瓿而取愴父誚耶雖然索未  
立傳求賄曲筆古今通慨若寧簡毋繁寧嚴毋濫  
用筆如化工肖物無愧古人信史是又所望於吳  
子矣是為序

錢令永續修縣志序畧康熙壬申

康熙二十二年歲次甲子

勅禮部察催各省通志以備纂修

大清一統志煌哉甚盛典也是時楚志繼豫陝而進不  
佞永蒞景已四年爰檢邑志踳駁蕪穢欲加修治

天門縣志

卷首原序

四

顧簿領之餘鞭長莫及遲之又久乃商畧凡例若  
干條屬戴子祁次第加警視其重大有關於政化  
者詳之時至事起者續之無係有無得失者刊落  
之輕重有序體制不紊雖不逮於升菴之南詔青  
藤之越州抑亦可以成書矣學校為教化之首田  
賦為民生之基詳之慎之弗敢後也城郭倉庾隄  
防驛津為官守之責詳之慎之弗敢遺也他如星  
占災祥山川古蹟祀典封建佛宮道院人物藝文  
固不宜掛漏而蒐羅往籍詢咨方隅可紀則紀可  
載則載何多求焉余因之有感矣永之蒞景其始

至也勞來還定安集之不暇既而生息之又久而  
休養之飲水茹藥荏苒蹉跎亦不自覺留滯茲土  
遂至十有三年之久也嗟日月之易邁憐齒髮之  
早衰仰愧無以答君恩類或可以告無罪於羣黎  
乎於是書之成反覆低回而不能已云

縣志總論 明邑舉人蕭副

嘗謂居鄉者當論其勢尚友者當思其人吾楚分  
星則為翼軫分野則為荊州竟陵雖當時下邑實  
在古之鄭國也其在漢也則為雲杜縣其在隋唐  
也則皆為郡治其在元也舊為軍衛逮我高皇平  
荆之後立指揮以守其地所以強武備也天下甫  
定即改軍衛以立縣所以備文事也其封疆西據  
荆襄南臨漢沔東連川貴北枕隨郢則固有以甲  
三楚之諸邑矣自其形勢言之以阻山為貴也是  
故五華鎮其北青山鎮其西見龍鎮其南中戍鎮

天門縣志

卷首 總論

一

其東而天門龍穴古城直陽諸山又屹然挺秀於  
四方若夫諸葛嶺則孔明之所築也東岡嶺則陸  
羽之所居也蠟止林則隱相之所憩也珍珠坡則  
富商之所留也此雖古人之遺跡亦足以壯竟陵  
之重鎮而究其所由成則果發跡於恒山而為黃  
蓬山之根本也又以帶河為貴也是故義河遠其  
南回河遠其北馬溪遠其西板港遠其東而東湖  
西湖蓮池諸水又煥然凝聚於左右若夫漢水則  
注於沔也馬腸則注於潛也牛蹄則入於漢也橫  
林則播于江也此皆神禹之大績實足以壯竟陵

之襟帶而本其所自始則又發源於嶠冢而為丙  
穴之淵源也城垣所以固疆域也在古則有雲杜  
城梁時之所築也而築於今者則有張與陳之賢  
牧焉或肇造於始或再造於茲於是城墉言言而  
勢莫矣宮室所以聳觀瞻也在古則有望仙樓普  
徽軒宋晏殊張耒之所建也而建於今者則有顧  
與姜之諸宰焉或仕學堂或旌善亭於是宮室翼  
翼而觀美矣自其風俗言之土隙而廣地卑而潦  
以漁畧耕耨為業而少積聚以激昂侈靡為務而  
喜健訟耕尚鹵莽乃廣種而薄收婚略禮文每多

天門縣志

卷首 總論

二

贅而少娶疾病則斂貲相恤死喪則歌舞雜哀重  
巫鬼敬淫祠風俗固本如此然名賢之集曰人自  
溫良化作蠶桑之俗陸羽自傳曰風俗之美無出  
吾國況今聖天子布作人之化賢邑宰疏恩澤之  
利雖間有狡獪亦將漸化而遷也流俗不於是革  
乎自其人物言之劉君瑯漢之裔也張興世宋之  
傑也張徽著集滄浪而為溫公純仁之友黃回握  
符建牙而成提師千里之功子文樹相楚之勳陸  
羽有茶經之著欣泰欣時遊園賦詩而起楮淵之  
異淵道從道聯名金榜而有雙桂之坊今則李琛